

Ժողովուրդ

174
(2654)

3 դեկտեմբերի շաբաթ 2022
տպագրության ԺԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է. ՄԱՍ 147



2018 թվականից սկսած՝ իր պաշտոնավարման մեկնարկից մինչև օրս, ՀՀ վարչապետ Նիկոլ Փաշինյանը բազմաթիվ մանիպուլատիվ հայտարարություններով է հանդես եկել, որոնք վերաբերել են նաև պաշտպանության ոլորտին, ռազմական ծախսերին: «Ժողովուրդ» օրաթերթը ներկայացնում է դրանցից եւս մեկը: 2021 թվականի հունիսին՝ Արմավիրի մարզ կատարած նախընտրական այցի ժամանակ, Նիկոլ Փաշինյանը հայտարարել էր՝ իբրև թե բանակի 10 տարվա ընթացքում ձեռք բերված զինամթերքի 75-80 տոկոսն իր կառավարության օրոք է ձեռք բերվել: Ավելի վաղ նա հայտնել էր, որ 2020-ի բյուջեում Պաշտպանության նախարարությանը հատկացվել է 307 միլիարդ դրամ, որը 2018-ի փաստացի ցուցանիշը գերազանցում է 28 տոկոսով կամ 66 միլիարդ դրամով, իսկ 2017-ի փաստացիի համեմատ՝ ավելի է մոտ 4.5 տոկոսով: Kavkazskun yzeł պարբերականն այդ ժամանակ եւս հողված էր իրապարակել, որտեղ պնդում էր, որ Փաշինյանը մարդկանց մոլորեցնելու համար մանիպուլյացիայի է դիմում, ստում է՝ հատկապես սպառազինության վրա ծախսված միջոցների առումով: Հողվածից մեջբերումներ այդ ժամանակ կատարել էր 168.am-ը: «Ջենքի մատակարարման վերաբերյալ բոլոր պայմանագրերը կնքվել են մինչև 2018 թվականը, որից հետո դրանք միայն կատարվել են, այն էլ՝ ոչ ամբողջությամբ, խիստ կրճատված եւ աղավաղված: Մասնավորապես, ըստ Ստոկհոլմի միջազգային խաղաղության խնդիրների ուսումնասիրության ինստիտուտի՝ 2019 թվականի ծախսերի մեծ մասը՝ 190 միլիոն դոլարը, ուղղվել է ավիացիային, այսինքն՝ հենց այն «Սու-30»-ների գնմանը, որոնք մատակարարվել էին առանց զինամթերքի եւ չէին ներգրավվել պատերազմին: Եթե սրանք չհաջվենք, ապա Փաշինյանի պաշտոնավարման ժամանակաշրջանին ՀՀ-ի եւ հրթիռների համար բաժին է ընկնում ընդամենը 58 միլիոն դոլար, ընդ որում՝ ՀՀ-ից ավելի վաղ նախատեսված TOP-երի գնումները, ինչպես նաև Հրդրանանից ձեռք բերված անպետք «Օսա-ԱԿ»-ները, որոնք ոչնչացվել են առաջին իսկ օրը», - ասվում է հողվածում: Այսինքն՝ հերթական անգամ Նիկոլ Փաշինյանը մանիպուլյացիա է արել:

Արցախի նորանշանակ պետական նախարար Ռուբեն Վարդանյանը, որ միայնակ տեղափոխվել է Արցախ մշտական բնակության եւ աշխատելու նպատակով, արդեն քաղաքական մի շարք պայմանավորվածություններ է խախտել: Մասնավորապես, պայմանավորվածություն է եղել, որ Արցախի նախարարները մինչև հունվարի վերջ պետք է աշխատեն, որից հետո Վարդանյանը կծեավորի կաբինետը: «Ժողովուրդ» օրաթերթը տեղեկացավ, որ Ռուբեն Վարդանյանը, ըստ էության, չի պահել խոստումը եւ աշխատանքային նպատակով նոյեմբերի վերջին հրավիրել է գործադիր անդամներին, ապա անակնկալ կերպով 1 օր ժամանակ տվել հեռանալու համար: Ինչպես հայտնի է, նոյեմբերի 23-ին 9 նախարար ազատվել էին պաշտոնից: Արցախում 11 նախարարություն կա: Բացի այդ, Ռուբեն Վարդանյանը ոչ միայն պայմանավորվածություն է խախտել, այլ նաև Արցախում առկա ավանդույթները: Բանն այն է, որ թե Արցախում, թե Հայաստանում ավանդույթ է առկա, որ նախկին նախարարներին ըստ պատշաճի են ճանաչարհում աշխատակազմի հետ հրաժեշտի օր կազմակերպելով, սակայն նախարարներ են եղել անգամ, որ իրենց աշխատանքային դուռը փակել, բանալին տվել են քարտուղարությանը կամ պարտիզներին եւ դուրս են եկել շենքից, առանց պատշաճ շնորհակալության արժանանալու այս տարիների աշխատանքի համար: Այն, որ Ռուբեն Վարդանյանը ռեսուրս չունի եւ չի շտապում նոր նախարարներ նշանակել, ապացուցում է այն հանգամանքը, որ, Արցախի Հանրապետության կառավարության պաշտոնական կայքի համաձայն, 11 նախարարություններից 9-ը ղեկավարում են պաշտոնակատարները: Միայն առկա են ՀՀ պաշտպանության նախարար եւ Ներքին գործերի նախարար:



«Սուրմալու» առետրի կենտրոնի պայթյունի գոհերի ֆոնին PR անող փոխքաղաքապետը այժմ էլ որոշել է «Եվրատեսիլ» երգի մրցույթն օգտագործել ապագա քաղաքապետի պաշտոնում իր դիրքերն ամրապնդելու համար: Սխալված չենք լինի, եթե ասենք, որ Տիգրան Ավինյանն արդեն հարմար տեղավորվել է քաղաքապետի «այթոռին» եւ իրեն արդեն քաղաքային իշխանության ղեկավար է զգում: Այս խոսքերի վրա ապացույցը նաև երեկ Երեւանի քաղաքապետարանում անցկացված մամուլի ասուլիսն էր, որին միանգամից երկու փոխքաղաքապետ էր մասնակցում, բայց քաղաքապետ Հրայր Սարգսյանը չկար ու չկար: Եվ այս օրերին էլ, երբ մեծ աղմուկ են հանել Հանրապետության հրապարակում իրականացված լուսազարդարման աշխատանքները, արձագանքները հենց փոխքաղաքապետ Տիգրան Ավինյանի մակարդակով է: Վերջինս քաղաքապետարանում իր ձեռքն է վերցրել ամեն ինչ եւ իրեն լիովին քաղաքապետ է զգում: Երեկ՝ մամուլի ասուլիսի ժամանակ, Տիգրան Ավինյանը եւս իրեն զգում էր որպես քաղաքապետ, որոշում, թե բանախոսներից ով որ հարցին պետք է պատասխանի, սակայն այդպես էլ խուսափեց պատասխանել հարցին՝ ամանորյա զարդարանքներն իր PR-ի համար են արվում, թե ոչ: Ավելին՝ շրջանառվող տեղեկությունների համաձայն՝ ղեկավարների 5-ին հենց Երեւանի փոխքաղաքապետ Տիգրան Ավինյանն է «Եվրատեսիլ» երգի մրցույթի մասնակիցների հետ միացնելու ամանորյա տոնածառերի լույսերը, ինչն ավանդաբար հենց քաղաքապետն է անում: Հենց այդ օրը՝ ժամը 13:00-ին, Հրայր Սարգսյանը ֆեյսբուքյան ասուլիսով է հանդես գալու եւ թերեւս կանդիդատան նաև այդ հանգամանքին:



Սեփական թիմի ներսում սեւ ցուցակներ կազմող եւ թիմակիցների դեմ դավեր նյութող՝ ԱԺ պաշտպանության հարցերի հանձնաժողովի նախագահ Անդրանիկ Քոչարյանի հերթական «գոհը» ՀՀ ոստիկանապետ Վահե Ղազարյանն է: «Ժողովուրդ» օրաթերթը տեղեկացավ, որ Քոչարյանին մտերիմ մի քանի ՔՊ-ական պատգամավորներ նախապատրաստվում են դեկտեմբերի 9-ին, երբ ՀՀ ոստիկանապետ Վահե Ղազարյանը պետք է ներկայանա խորհրդարան: Ինչպես հայտնի է, դեկտեմբերի 6-ին մեկնարկելու է ԱԺ հերթական նստաշրջանը, եւ, ըստ նախնական տեղեկությունների, դեկտեմբերի 9-ին պետք է քննարկվի Ներքին գործերի նախարարության ստեղծման հարցը: Այդ օրը Վահե Ղազարյանի համար այնքան էլ հանգիստ չի լինելու, քանի որ որոշ ՔՊ-ականներ որոշել են քննադատել նրա գործունեությունը: Բանն այն է, որ ՔՊ-ում Անդրանիկ Քոչարյանի թեմն ամեն ինչ անում է, որպեսզի Վահե Ղազարյանը Ներքին գործերի նախարար չգառնա, եւ, որպես նրա վատ աշխատանքի ցուցանիշ, քաղաքական իշխանությունների ցույց են տվել ոստիկանության որոշումներից մեկը, որը կապված է ԱԺ նախկին պատգամավոր Միեր Սեդրակյանի անվան հետ: Ըստ այդմ, կարծիքներ են հնչել, թե իրենք նախկինների գործողությունների դեմ են պայքարում, իսկ ոստիկանապետը նրանց հետ գործաբքի է գնում: Մամուլը գրել էր, որ Միեր Սեդրակյանի անվան հետ կապվող «Բիդեք» ՍՊԸ-ն հարթել է ոստիկանության կողմից հայտարարված մրցույթը, որի ընդհանուր արժեքը 1 մլրդ 275 միլիոն դրամ է՝ 3 մլն դոլարից ավելի: Մամուլը նաև գրել էր, որ «Բիդեք» ՍՊԸ-ի 100 տոկոս բաժնեմասի նախկին սեփականատեր Գառնիկ Ավետիսյանը ԱԺ նախկին պատգամավոր Միեր Սեդրակյանի՝ Թոխմախի Միերի մտերիմ ընկերն է, անգամ գրվել էր նաև, որ իրականում ընկերությունը պատկանում է Միեր Սեդրակյանին, բայց գրանցված է ընկերոջ անունով: Բացի այդ, Քաղաքաշինության որոշումներից մեկը, որը կապված է ԱԺ նախկին պատգամավոր ընթացքում մոտ 3,2 միլիարդ դրամի գնում են կատարել այդ ՍՊԸ-ից: Գնումների գործընթացը համակարգչային բաշխումով է կազմակերպվում, ու շատ հաճախ մարդկային գործոնը գերոյական է դառնում: Ինչեւէ, «Ժողովուրդ» օրաթերթը կիստեսի ՔՊ-ականների արշավին Վահե Ղազարյանի դեմ, քանի որ ակնհայտորեն Անդրանիկ Քոչարյանը ՔՊ-ականների մի մասի ձեռքերով «պատերազմ է հայտարարել» ՀՀ ոստիկանապետին:



ՊԵՏՔ ԶԷ ԶԱՐՄԱՆԱԿ

ՎՏԱՆԳԱՎՈՐ ՈՒՂԵՐՉՆԵՐ ԿԱՅԻՆ

Ազգային ժողովի «Հայասան» խմբակցության դասգամավոր Արթուր Խաչատրյանն ասում է, որ բնավ դեմ է չի զարմանալ ՌԴ արտաքին գործերի նախարարի արած հայտարարություններից, քանի որ նման հայտարարություններ ՀՀ իշխանությունները վաղուց են արել ու հասუსել: «Լավրովին ամբողջովին այն, որ ՀՀ իշխանությունների համար Արցախի Հանրապետությունն ու Արցախի հարց գոյություն չունի», - «Ժողովուրդ» օրաթերթի հեռ գրույցում ասաց Խաչատրյանը:



-Պարոն Խաչատրյան, ՌԴ արտաքին գործերի նախարար Սերգեյ Լավրովի մամուլի ասույլից հարցեր է առաջացրել հանրության մոտ, մասնավորապես, թե ինչպես ստացվեց, որ ՌԴ-ն բացեիքաց հայտարարում է, որ Ադրբեյջանը պատրաստ է ապահովել Արցախում ապրող հայերի անվտանգությունը, կամ որ բանակցային գործընթացը փակուղի է մտել: Դուք նրա հայտարարություններն ինչպե՞ս կմեկնաբանեք:

-Լավրովի հայտարարության մեջ ավելի վտանգավոր ուղերձներ կային, եւ երեւի թե սկսեց այդ ուղերձներից: Մարդը բացահայտ ասաց, որ Հայաստանի իշխանությունները հրաժարվել են քննարկել Արցախի Հանրապետության կարգավիճակի հարցը, ընդհանրապես հրաժարվել են քննարկել: Այսինքն՝ իրենց համար Արցախի հարց գոյություն չունի, Արցախը որպես վարչաքաղաքական անկախ միավոր այլևս գոյություն չունի, եւ Հայաստանի իշխանություններն Արցախի հարցն իջեցրել են միևնույն Ադրբեյջանում ազգային փոքրամասնության խնդիր: Եթե ՀՀ փաստացի ղեկավարը նման քաղաքական դիրքորոշում է որդեգրում, ապա ՌԴ-ից ի՞նչ էք սպասում: Մի՞ սպասեք, որ Ռուսաստանը կամ Ֆրանսիան, որը բացառություն է, եւ խորհրդարանը հայանպաստ որոշում է ընդունել, սակայն միջազգային հանրությունը չի կարող ավելի հայ եւ հայանպաստ լինել: Միջազգային հանրությունը կարող է աջակցել թե՛ քայքայված չի պաշտպանի մեր շահերը, եթե մենք չապաշտպանենք: Խորհրդարանում երեկ խոսում էին, որ անվտանգությունը երաշխավորում են ռուսները, սակայն որեւէ փաստաթուղթ Հայաստանը չի ստորագրել (եթե գաղտնի փաստաթուղթ չէ), որում գրված լինի, որ Հայաստանը հրաժարվում է պաշտպանել Արցախը, եւ այդ ամենը միայն ՌԴ խտրադապահների գործն է, այլ ոչ թե հայկական զինված ուժերի հետ համատեղ: Այդպես է եղել 30 տարի, թող առաջին գծում կանգնեին ռուսները, երկրորդ գծում՝ հայերը: Սակայն այս իշխանությունները հպարտորեն հայտարարում են, թե Արցախից հայկական զորամիավորումները հանել են: Այնպես որ, պետք է հասկանանք՝ ինչ է ուզում այսօրվա իշխանությունը, եւ համարեմք արտաքին ուժերից եկող ազդակների եւ հայտարարությունների հետ: Իհարկե, վտանգավոր հայտարարություն էր, եւ նաեւ ՌԴ նախագահ Վլադիմիր Պուտինն էր ընդգծել, թե եթե հայերը չեն ուզում, ապա էլ ռուսական կողմից ի՞նչ էք ակնկալում:

-Ռեալիտիվային գործընկերոջ պարտականությունները որո՞նք են, որտե՞ր է դա սահմանված: Մարդիկ ասում են, որ պատրաստ են դիտարկել Հայաստանին աջակցության հարցը, Նիկոլ Փաշինյանը, սակայն, վետո է դնում ՀԱՊԿ-ի ղեկավարացիայի վրա եւ ասում, որ քաղաքական գնահատական ենք ուզում: Այսինքն՝ մարդիկ ասում են, որ պատրաստ են քննարկել եւ ասել, սակայն ինքը կամավորություն է անում եւ ասում կամ սա, կամ ոչինչ: ՌԴ-ի, ԱՄՆ-ի եւ Իրանի արձագանքը արձագանք է ՀՀ-ի քաղաքականությանը: Եթե ՀՀ-ն սխալ քաղաքականություն է վարում, ապա մի՞ սպասեք, որ մեկ ուրիշը հայանպաստ քաղաքականություն է վարելու: Մեր դարդը չենք կարող ուրիշներին պատվիրակել, մենք պետք է մեր խնդիրը լուծենք, ինչը հաջողությամբ անում էինք՝ 1988 թվականի փետրվարի 20-ից սկսած:

Զրույցը ՍԵՎԱԿ ՎԱՐՈՂՈՒՄՅԱՆԸ

ԿԱՊԻՏՈՒԼՅԱՆՑ ԵՆ

Ինչպես հայտնի է, Ազգային ժողովի «Հայաստան» խմբակցության՝ «Վերածնվող Հայաստան» կուսակցության թեմը լքել է խորհրդարանը: Կուսակցության առաջնորդ Վահե Հակոբյանի հետ մանդատից նաեւ 2 պատգամավորներ՝ Յուրի Բախչալյանն ու Ելենա Կիրակոսյանն են հրաժարվել: «Վերածնվող Հայաստան» կուսակցությունից միայն Ջեմֆիրա Միզոնյան է պահպանել մանդատը: «Ժողովուրդ» օրաթերթը գրել էր, որ, մեր տեղեկություններով, Վահե Հակոբյանի ու թիմակիցների խորհրդարանական գործունեությունը դադարեցնելու կոնկրետ նպատակներ ունի: Չի բացառվում իշխանության հետ համագործակցության արդյունք է մանդատներից հրաժարվելը: «Համերաշխություն» կուսակցության նախագահ Սարգիս Ավետիսյանը երեկ հրապարակավ իր վրդովմունքն է հայտնել «Հայաստան» դաշինքի մաս կազմող այս կուսակցության պահվածքից: «Մենք եղել ենք այն քաղաքական ուժերից, որ ասել ենք՝ ընդդիմությունը պետք է վերադառնա խորհրդարան: Մենք չենք ասում գնացեք, կլքեք ձեր քաղաքական կապիտուլյացիան ու հեռացեք: Դուք քաղաքական կապիտուլյատներ եք, ձեզ ուղարկել ենք ընդդեմ, որ պայքարեք, դուք գնում, գրում ու դու՛րս եք գալիս: Ինչո՞ւ եք գցում ամեն ինչ «Դաշնակցության» վրա, չի կարելի պայքարը թողնել միայն այդ կուսակցության վրա», - հայտարարեց կուսակցության առաջնորդը: Այսինքն՝ ընդդիմադիր դաշտում Վահե Հակոբյանին եւ նրա փոքրաթիվ թիմին համարում են քաղաքական կապիտուլյանտ:

ՄՊԱՍԵԼ Է ԳՈՒՄԱՆՅԱՆԻՆ

Փարիզաբնակ քանդակագործ Դավիթ Երեանցին «Ժողովուրդ» օրաթերթի հետ զրույցում իր դժգոհությունը հայտնեց ՀՀ կրթության, գիտության, մշակույթի եւ սպորտի նախարար Վահրամ Դումանյանի աշխատանքի եւ պահվածքի վերաբերյալ: Նա մեզ հետ զրույցում վերհիշեց մի պատմություն, երբ մի ամբողջ օր իր արվեստանոցում սպասել է նախարար Վահրամ Դումանյանին, սակայն վերջինս ոչ միայն խախտել է պայմանավորվածությունը եւ չի եկել, այլ նաեւ չի էլ զգուշացրել այդ մասին: «Ես նախարարին ասել եմ՝ Ձեզ սիրով կսպասեմ իմ տուն-արվեստանոցում, բացի այդ, կտեսնեք ստեղծագործություններ, որ երբեք չեք տեսել ոչ մի տեղ: Այդպես, կրթության, գիտության, մշակույթի եւ սպորտի նախարարը չեկավ, անգամ չգանգեց, գոնե ունենար տարրական քաղաքավարություն, գանգեր, ասեր՝ կներեք, վարպետ, չկարողացա գալ, կամ այս ինչ բանն էր պատահել: Գոնե ասեիք, զգուշացնեիք, իսկ ես ամբողջ օրը սպասել եմ, որ պետք է գար՝ հարգելով իր խոստումը, բայց չեկավ», - պատմեց նա: Քանդակագործի խոսքով՝ իր արած գործերն են հավերժ, իսկ նախարարները փոխվում են: «Այսօր նա նախարար է, բայց վաղը չի լինելու, բայց ես հավերժ եմ, տասնյակ գործեր ունեմ մայր Հայաստանում, Փարիզում, աշխարհում: Ես ստացել եմ պետական մասշտաբով ամենապատվավոր կոչումները: Այս վարչապետի դրած մշակույթի նախարարը երեւի չի հասկանում, նա մարտեմատիկայի մասնագետ է, բայց պետք է լավ հաշիվ աներ՝ նա հավերժ չէ, ես եմ հավերժ: Ես եմ մշակույթը ստեղծում», - հայտարարեց նա:

ԶՄԱՍՆԱԿՑԵՑ ՔՎԵՐԿՈՒԹՅԱՆԸ

ԱՐՑԱՄԻ ԱՆՎՏԱՆԳՈՒԹՅԱՆ ՄԱՍԻՆ ՆԱԽԱԳԻԾԸ ԶԸՆԴՈՒՆՎԵՑ

Արցախի ու Հայաստանի անվանագրության մասին ընդդիմության նախագիծը երեկ ստորագրեց: Իսկող ուժը չնամակցեց փվեարկությանը, միայն ընդդիմադիրները կողմ փվեարկեցին այդ նախագծին: Ընդդիմադիր խմբակցություններն առաջարկում էին Հայաստանի խորհրդարանը հայտարարություն ընդունի, որ Արցախը չի կարող լինել Ադրբեյջանի կազմում: Արցախի հարցը դեմ է լուծվի ազգերի ինքնորոշման իրավունքի սկզբունքով, առանց սահմանափակումների:

հատմամբ՝ դրանով Միլի մեջլիսը արդարացրել է 44-օրյա պատերազմի հանցագործություններն ու Հայաստանի եւ Արցախի դեմ նոր սպառնալիքներ հնչեցրել: Ինչո՞ւ իշխանությունը չի ցանկանում ընդունել այս հայտարարությունը, ինչի՞ն են դեմ: Արտաքին հարցերի հանձնաժողովի ղեկավար Էդուարդ Աղաջանյանը կետերով ու մանրամասն չթվարկեց, թե ինչը իրենց սրտով չէ. ընդհանուր նշեց, թե նախագծում առաջարկված ձեւակերպումները նախապատերազմյան արտաքին քաղաքականության կրկնությունն են:

հիվանագիտական կոնսուլիդացիան Հայաստանի շուրջ ընդդիմության ձեւակերպումներով ընկալելի չէ՝ ըստ իշխող ուժի: Էդուարդ Աղաջանյանի կարծիքով՝ դա ռիսկային է: «Մեր վերլուծությունը ցույց է տալիս, որ «Հայաստան» խմբակցության կողմից առաջարկվող տերմինաբանությունն առաջացնում է ավելի շատ ռիսկեր, քան նպաստում է Հայաստանի Հանրապետության խաղաղության օրակարգի առաջխաղացմանը», - նշեց Աղաջանյանը:

Արցախի մասին ընդդիմությունը ամիսներ առաջ էլ էր առաջարկում հայտարարություն ընդունել, բայց իշխանությունը չմասնակցեց նիստին, ու այն տապալվեց: Դրանից հետո ընդդիմադիրները մի քանի անգամ կարմիր գծերի մասին: Միջազգային

Արցախի մասին ընդդիմությունը ամիսներ առաջ էլ էր առաջարկում հայտարարություն ընդունել, բայց իշխանությունը չմասնակցեց նիստին, ու այն տապալվեց: Դրանից հետո ընդդիմադիրները մի քանի անգամ կարմիր գծերի մասին: Միջազգային

ՈՒՇԱԳՐԱԿ

ՀԱՅԿԱԿԱՆ ԿՈՂՄԻՑ ԱՐՉԱԳԱՆՔ ՉԿԱ

ՓՈՐՉՈՒՄ ԵՆ ԱՐԳԱՐԱՆԱԼ

ՀՀ վարչապետի աշխատակազմի ղեկավարի տեղակալ Տարոն Չախոյանը, բան ու գործը թողած, հետևում է գործարարի շենքի անվտանգության համար տեղադրված տեսախցիկների աշխատանքին: Հետեւելը՝ դեռ ոչինչ, իրեն իրավունք է վերապահում տեսախցիկների արձանագրածները հրապարակել: Երեկվանից իշխանամերձ լրատվամիջոցներն ու պաշտոնյաները (որոնց մեջ, ի դեպ, իրավաբաններ կան), մեկը մյուսին հերքե չտալով, տարածում են մոնտաժված մի տեսանյութ, որտեղ լրագրող-օպերատորը ցուցադրում է պատի մեջ մտցված հեղույսը: Կադրը տեսախցիկով ֆիքսում է հեղույսը հանել-դնելը, ինչին էլ հենց հղում են անում իշխանության ներկայացուցիչներն ու արդարանում, թե օպերատորն է ծակ բացել ու հեղույսը պատի մեջ մտցրել: Եթե անգամ ենթադրենք, որ ընդդիմադիր լրատվամիջոց ներկայացնող օպերատորը, գայլիկոն ձեռքն արած, պատը ծակել ու հեղույսն այդ անցի մեջ է տեղադրել, ապա պատմամշակութային արժեք համարվող շենքի վրա մի քանի հազար անցքերի հեղինակներն ու՞րքե՞ր են: Նորից լրագրողները, թե՛, ամեն դեպքում, «նախկինները»: Իհարկե, պարզից էլ պարզ է, որ իշխանության ներկայացուցիչներն այժմ արդարանալու ու մեղքն իրենց վրայից օգտելու խնդիր են փորձում լուծել, բայց նախ պետք է սկսել այն հարցից, թե ինչ ճանապարհով է տեսախցիկը Տարոն Չախոյանին հասել, ապա պարզել՝ ով է նրան իրավունք տվել հրապարակելու այն: Որքանով տեղյակ ենք, նա ո՞չ ԱԼԾ-ի, ո՞չ էլ մեկ այլ ուժային կառույցի աշխատակից չէ, հետեւաբար ինչո՞ւ է իր լիազորությունները գերազանցող գործողություն կատարել:

3 ՄԵՂԱԳՐՅԱԼ

ArmLur.am-ին ՀՀ քննչական կոմիտեից հայտնեցին, որ Երվանդ Քոչարի միջադեպով վարույթ է նախաձեռնվել ՀՀ քրեական օրենսգրքի 297-րդ հոդվածի 3-րդ մասի, 335-րդ հոդվածի 1-ին մասի եւ 452-րդ հոդվածի 3-րդ մասի հատկանիշներով: Վարույթով նախաքննությունը շարունակվում է, տվյալ պահի դրությամբ որպես մեղադրյալ է ներգրավված 6 անձ, որոնցից 3-ը կալանավորված են, 3-ի նկատմամբ եւս որպես խափանման միջոց է ընտրվել կալանավորումը, եւ ոստիկանությանը տրվել է նրանց հայտնաբերելու եւ նախաքննության մարմին հարկադիր ներկայացնելու հանձնարարություն: Հիշեցնենք, որ Նոյեմբերի 7-ին ոստիկանությունը Երեւանում կանխել է միևնույն ատամները զինված «ռազմորկան»: Ոստիկանության Կենտրոնական բաժնի քրեական հետախուզության բաժանմունքում եւ ոստիկանության Երեւան քաղաքի վարչության քրեական հետախուզության բաժնում ժամը 20:30-ին օպերատիվ տեղեկություններ են ստացվել, որ Երվանդ Քոչար փողոցում մի խումբ երիտասարդների միջեւ զինված «ռազմորկան» է տեղի ունենում:

Մոսկվան Լեոնային Վարաբադի կարգավիճակի հարցն առկալված, ասել է թե՛ ադազային թողնելու առաջարկ դեռեւս սառը սառի առաջ է արել: Այս մասին ղեկներների 1-ին բավականին ծավալուն (մոտ երկու ժամ տևած) մամուլի ասուլիսի ժամանակ, հայտարարել է Ռուսաստանի արտաքին գործերի նախարար Սերգեյ Լավրովն ու ավելացրել՝ կարգավիճակի հարցը հայկական կողմը փակել է վերջերս՝ հոկտեմբերին Պրահայում տեղի ունեցած համդիդման ժամանակ:

Լավրովը, նկատենք, հիշեցնելով մոտ տասը տարի առաջ Երեւան բերված առաջարկը, նկատի է ունեցել այն փաթեթը, որը հայ հասարակության մեջ առավել հայտնի էր որպես «Լավրովի պլան»: Ըստ այդ մոտեցման, նշենք, ենթադրվում էր, որ Ադրբեյջանին էին անցում Արցախի Հանրապետության հինգ շրջանները, եւս երկուսը՝ Քարվաճառն ու Բերձորը, որոնք Հայաստանը կապում էին Արցախին, մնում էին հայկական վերահսկողության տակ: Դրանց ճակատագիրը նույնպես պետք է վճարվեր Արցախի կարգավիճակի հարցի հետ մեկտեղ: Ինչ վերաբերում է կարգավիճակի հարցին, ապա այն թողնվում էր ապագային, ասել է թե՛ սերունդներին:

Ըստ Լավրովի հավաստիացումների՝ այդ տարբերակը կարող էր գործել նաեւ 44-օրյա պատերազմից հետո անգամ, երբ հակամարտող կողմերի ղեկավարները ռուսական միջնորդությամբ հանդիպել են: Այդ կետն անգամ, ՌԴ արտգործնախարարի փոխանցմամբ, Ռուսաստանը նաեւ խաղաղության պայմանագրի իր տարբերակում է ներառել ու ներկայացրել կողմերին:

«Պաշտոնական Բաքուն պատերազմից հետո՝ նախնական շրջանում, համաձայնել է քննարկել այդ տարբերակը, բայց արդեն Պրահայի հանդիպումից հետո մերժել է այն: Նրանք Սոչիի հանդիպման ժամանակ փոխանցել են, թե փաստաթուղթը ցանկանում են ՄԱԿ-ի կանոնադրության եւ Ավմա-Աթայի հռչակագրի համաձայն ստորագրել: Իսկ երբ բոլոր կողմերը հավանության են տալիս ինչ-որ փաստաթղթի (Ավմա-Աթայի հայտարարությունը նկատի ունի), ապա նշանակում է՝ կարգավիճակի հարցն արդեն իսկ դուրս է մնացել բանակցային գործընթացից: Իսկ այդ հռչակագրից ասում է, որ միութենական երկրները անկախ պետություններ են ստեղծում ճանաչելով այն սահմանները, որ եղել են ԽՍՀՄ ժամանակ», - ներկայացրել է բանախոսն ու ընդգծել, որ պաշտոնական Երեւանը վերջին շրջանում ոչ թե Արցախի կարգավիճակի, այլ այնտեղ ապրող մարդկանց իրավունքների մասին է խոսում:



Մա՞ծայն ստորագրել: Իսկ երբ բոլոր կողմերը հավանության են տալիս ինչ-որ փաստաթղթի (Ավմա-Աթայի հայտարարությունը նկատի ունի), ապա նշանակում է՝ կարգավիճակի հարցն արդեն իսկ դուրս է մնացել բանակցային գործընթացից: Իսկ այդ հռչակագրից ասում է, որ միութենական երկրները անկախ պետություններ են ստեղծում ճանաչելով այն սահմանները, որ եղել են ԽՍՀՄ ժամանակ», - ներկայացրել է բանախոսն ու ընդգծել, որ պաշտոնական Երեւանը վերջին շրջանում ոչ թե Արցախի կարգավիճակի, այլ այնտեղ ապրող մարդկանց իրավունքների մասին է խոսում:

Նա նաեւ անդրադարձել է Եվրոպացի պաշտոնյաների ջանքերով տեղի ունեցող Փաշինյան-Ալիև հանդիպումներին՝ համարելով, որ նրանք փորձում են իրենցով անել ՌԴ միջնորդական ջանքերը:

Ավելի վաղ, հիշեցնենք, ՌԴ արտաքին գերատեսչության ղեկավարը խոսել էր նաեւ Արցախի՝ ՌԴ կազմում ներառվելու հավանականության մասին՝ ըստ երեւույթին բացառելով թե՛ նման սցենարը, թե՛ Մոսկվայի նման մտադրությունը:

Ինչ վերաբերում է Սերգեյ Լավրովի հայտարարությունների մասով մերձ Հայաստանի պաշտոնյաների հայտարարություններին, ապա առ այս պահը դրանք բացակայում են: Ոչ վարչապետ Նիկոլ Փաշինյանը, ոչ ԱԳ նախարար Արարատ Միրզոյանն ու այլ պաշտոնյա որեւէ կերպ չեն արձագանքել:

ՍԵՎԱԿ ՎԱՐՈՒՄՅԱՆ

ՕՐՎԱ ԽՃԱՆԿԱՐ ԱՆԳՐԱԳԱՐՉԵԼ Է ՀԱՆԳՔՊՄԱՆԸ

ԵՄ արտաքին գործերի եւ անվտանգության քաղաքականության բարձրագույն ներկայացուցիչ ժողգեյ Բորելը իր սոցիալական ցանցի միկրոբլոգում անդրադարձել է նախօրեին ՀՀ ԱԳ նախարար Արարատ Միրզոյանի հետ հանդիպմանը:

Նա, մասնավորապես, նշել է. «Հայաստանի արտգործնախարար Արարատ Միրզոյանի հետ քննարկել ենք տարածաշրջանում խաղաղության կառուցման եւ հակամարտությունների կայուն կարգավորման ուղիները»:

Եվրամիությունը հավատարիմ է Բաքվի եւ Երեւանի միջեւ խաղաղ բանակցություններին նպաստելուն»:

51-ՐԳ ՏԱՐԵԳԱՐՉԻ ՄԻՋՈՑԱՌՈՒՄ

Սույն թվականի դեկտեմբերի 1-ին փոխվարչապետ Համբարձում Մաթեոսյանը ներկա է գտնվել Արաբական Միաց-



յալ Էմիրությունների կազմավորման 51-րդ տարեդարձի միջոցառմանը:

Փոխվարչապետը գոհունակությամբ նկատել է, որ վերջին երկուսուկես տասնամյակի ընթացքում Արաբական Միացյալ Էմիրությունների հետ հաջողվել է ձեւավորել ամուր եւ դինամիկ զարգացող բազմալորտ համագործակցություն:

Ընդգծելով հայ-եմիրաթական փոխգործակցության բարձր մակարդակը՝ Համբարձում Մաթեոսյանը կարեւորել է երկկողմ հարաբերություններում առկա զարգացման մեծ ներուժի օգտագործման անհրաժեշտությունը՝ համոզմունք հայտնելով, որ համատեղ ջանքերի գործադրմամբ հնարավոր կլինի էլ ավելի խորացնել եւ ընդլայնել համագործակցության երկկողմ օրակարգը:

ՀԱՍԱՐԱԿՈՒԹՅՈՒՆ

ՄԱՐԶ

«ԷԿՈՏԱՎՈՒՇԸ» ԽԱԽՏՈՒՄ Է ՕՐԵՆՔԸ

Մի քանի օր առաջ Իջեան քաղաքի շուկային հարակից տարածքում գտնվող «ԷկոՏավուշ» ընկերության ֆիրմային խանութում կլոր տուփով հալած յուղ են գնել: Այդ հալած յուղն արտադրվել է Իջեան խոշորացված համայնքի Լուսաձոր գյուղում գործող «ՀիմնաՏավուշ» գարգացման հիմնադրամի պանրագործարանում: Հալած յուղի տուփի վրա հայերեն ոչ մի գրառում չկա, բոլոր գրառումները ռուսերեն են, բացի արտադրող ընկերության անվան լատինատառ գրառումից: Սա օրենքի կոպիտ խախտում է, քանզի Հայաստանում արտադրվող, վաճառվող արտադրանքը պետք է ունենա ապրանքի վերաբերյալ հայերեն տեղեկատվություն: Լուսաձորի պանրագործարանի արտադրանք պանիրը, հալած յուղը հիմնականում առաքում են Ռուսաստան, ուստի հալած յուղի տուփին միայն ռուսերեն գրառումներ են արված: 2010թ. մայիսի 22-ին Իջեան քաղաքում Ֆրանսիայի Օ-ԴԸ-ՍԵՆ ևահանգի գլխավոր խորհրդի նախագահ Պատրիկ Դեյեյանը եւ Տավուշի մարգպետ Արմեն Դուլարյանը ստորագրել են համատեղ նկատառումների հուշագիր: 2011թ. Ֆրանսիայում երկու կողմերը ստորագրել են ապակետրոնացված համագործակցության շրջանակային պայմանագիր՝ 3 տարի ժամկետով, հետագայում նման նոր պայմանագրեր են ստորագրվել: Ֆրանսիական կողմի աջակցությունը նպատակաուղղված է եղել Տավուշի մարզի գյուղատնտեսության զարգացմանը, աշխատատեղերի ստեղծմանը, մարզի սահմանագոտու բնակիչների կենսամակարդակի բարելավմանը: Հայ-ֆրանսիական համագործակցությամբ ստեղծված «ՀիմնաՏավուշ» գարգացման հիմնադրամը նաև բարեգործական ծրագրեր է իրականացնում, սակայն տարիների ընթացքում հիմնադրամի գործունեության հետ կապված բազում խնդիրներ են առաջացել: 2016թ. ամռանը, Լուսաձորի պանրագործարանին հարակից տարածքում հորելով, որպես անորակ արտադրանք ոչնչացրել են Լուսաձորի պանրագործարանում արտադրված 3.5 տոննա պանիրը: Սուրեն Գեւորգյանը Ֆրանսիայի հայկական հիմնադրամի տնօրենն է, նա միաժամանակ «ՀիմնաՏավուշ» հիմնադրամի ղեկավարն է, նրա կին Հասմիկը (Նանա) 2016թ. հուլիսի 1-ից Լուսաձորի պանրագործարանում արտադրվող պանիրը Ռուսաստանում իրացնող «ԷկոՏավուշի» տնօրենն է: Ամուսինների կողմից ղեկավարվող «ՀիմնաՏավուշի» եւ «ԷկոՏավուշի» բիզնես հարաբերություններում կոռուպցիոն ռիսկեր կան: Լուսաձորի պանրագործարանի արտադրական գործունեության հետեւանքով շուրջ 10 տարի Լուսաձորի տարածքում, Հայաստան-Վրաստան միջպետական ավտոճանապարհին մշտապես ծանր գարշահոտ է տիրում, որը շնչում են ավտոճանապարհով անցնողները:

ՈՍՎԱՆ ՄԱՐԳԱՅԱՆ Տավուշ

ԳՈՐԾԸ ԴԱՏԱՐԱՆՈՒՄ Է

ԽՈՇՈՐ ՉԱՓԻ ԳՈՂՈՒԹՅՈՒՆ

Ապրիլի 12-ին առանձնակի խոշոր չափի գողության դեմք է Տեղի ունեցել Երեւանում: Ժամը 23:30-ի սահմաններում ոսիկանության Մալաթիայի բաժին ահազանգ է ստացվել Երեւան ֆաբրի Վարուժանի փողոցի սննդի մեկի բնակիչ 58-ամյա Արախան Բ.-ից, որը հայտնել է, որ նույն օրը՝ ժամը 19:00-ից մինչեւ 23:00-ն ընկած ժամանակահատվածում, անհայտ անձը կամ անձինք դեռեւս անհայտ դայմաններում մեկ են իր տուն եւ այնտեղից գողացել ոսկյա, արծաթյա զարդեր եւ գումար:



Արախան Բ.-ն հայտնի հաղորդավար, երգահան Ավետ Բարսեղյանի կնոջ հայրն է, իսկ գողը կամ գողերը տանից հափշտակել են մոտ 110 հազար ԱՄՆ դոլարին համարժեք ոսկյա, արծաթյա զարդեր, գումար: Եվ, ահա, իրավապահները այնուամենայնիվ գողության դեպքը բացահայտված է, եւ գործը դատարանում է. մեղադրյալի աթոռին է հայտնվել Սեւակ Բաբայանը: Վերջինիս մեղադրանք է առաջադրվել այն բանի համար, որ նա 2020 թվականի ապրիլի 12-ին ժամը 19:00-ից մինչեւ 23:30-ն ընկած ժամանակահատվածում, ուրիշի գույքի գաղտնի հափշտակություն կատարելու դիտավորությամբ, ապօրինի մուտք է գործել Երեւան քաղաքի Դանիել Վարուժանի փողոցի Արախան Հակոբի Քաթաբյանին պատկանող 32 տուն, 1-ին հարկում գտնվող հյուրասենյակի սեղանից վերցրել է 180.000 ՀՀ դրամ արժողությամբ կանացի ոսկյա մատանի, տանից Մայքլ Քորս ապրանքանիշի 50.000 ՀՀ դրամ արժողությամբ կանացի պայուսակ, ապա տեխնիկական միջոցի գործարմամբ բացելով 2-րդ հարկի ննջասենյակի պատի մեջ ներկառուցված մետաղյա պահարանի դուռը՝ գաղտնի հափշտակել է առանձնապես խոշոր չափերով՝ 20.000.000 ՀՀ դրամ գումար, 14.000.000 ՀՀ դրամին համարժեք 30.000 ԱՄՆ դոլար, ընդհանուր 350 գրամ, 7.500.000 ՀՀ դրամ արժողությամբ ոսկյա զարդեր՝ Արախան Քաթաբյանին պատճառելով առանձնապես խոշոր չափերի՝ ընդհանուր 42.325.900 ՀՀ դրամի գույքային վնաս:

Սակայն ուշագրավն այն է, որ Բաբայանը պնդում է, որ ինքը հափշտակության հետ կապ չունի: Այս իրավիճակը ցույց է տալիս, որ ենթադրյալ գողություն անողը չի ընդունում մեղադրանքը. նրա տանը

խուզարկություն են իրականացրել, չեն հայտնաբերել որեւէ բան, ուստի իրավիճակը ենթադրում է, որ 30.000 ԱՄՆ դոլար, ընդհանուր 350 գրամ, 7.500.000 ՀՀ դրամ արժողությամբ ոսկյա զարդեր, 180.000 ՀՀ դրամ արժողությամբ կանացի ոսկյա մատանի, տանից Մայքլ Քորս ապրանքանիշի 50.000 ՀՀ դրամ արժողությամբ կանացի պայուսակը չկա: ԸՆՏՐ ՄԱՆՈՒԿՅԱՆ

ԶՈՐԱՄԱՍ

ՀՐԱՄԱՆԱՏԱՐԸ ՅՈՒՐԱՅՐԵԼ Է ԴԻԶՎԱՌԵԼԻՔԸ

Պաշտպանության նախարարության Ն գործառնախ հրամանատար Ս.Բ.-ն, իր պաշտպանության դիրքն օգտագործելով, ցուրջ 1 արի յուրացրել է գործառնախն հասկացված եւ փաստացի իրեն վստահված ընդհանուր 2 մլն 441 հազար 985 դրամ արժողությամբ 4 հազար 515 լիտր ավտոբեռնի եւ 3 հազար 710 լիտր դիզելային վառելանյութի կտրուկները:



Ինչպես տեղեկացնում են դատախազության հանրային կապերի բաժնից, պարզվել է, որ Ս.Բ.-ն, պաշտպանության նախարարի՝ 2016 թվականի հրամանով նշանակված լինելով Ն գործառնախ հրամանատար, պաշտոնեական դիրքն օգտագործելով, գործառնախն հատկացված եւ փաստացի իրեն վստահված «ԱԻ-92» տեսակի ավտոբեռնի ու դիզելային վառելանյութի կտրուկները խոշոր չափերով յուրացման եղանակով հափշտակելու դիտավորությամբ 2021 թվականի հունվարից մինչեւ 2022 թվականի հունվարը՝ քննությամբ չպարզված օրերին, ապօրինաբար, առանց փաստաթղթավորման գործառնախ գույքային ֆոնդից դուրս է բերել եւ յուրացրել է նույն գործառնախն հատկացված, իրեն վստահված 4 հազար 515 լիտր «ԱԻ-92» տեսակի ավտոբեռնի եւ 3 հազար 710 լիտր դիզելային վառելանյութի կտրուկներ, որոնց մի մասը հանձնել է որպես բնակարանի վարձակալության վճար, իսկ յուրացրած կտրուկների մի մասն էլ վաճառել է՝ այդ կերպ պետությանը պատճառելով խոշոր չափերի, ընդհանուր՝ 2 մլն 441 հազար 985 դրամի գույքային վնաս:

Նշվածը հաստատվել է Հակակոռուպցիոն դատարանի 2022 թվականի նոյեմբերի 16-ի մեղադրական դատավճռով (նախաքննության ընթացքում գործառնախ հրամանատարը առաջադրված մեղադրանքում իրեն լիովին մեղավոր է ճանաչել, տվել է խոստովանական ցուցմունք, զրջացել է կատարած արարքի համար եւ վերականգնել պետությանը պատճառված վնասը՝ 2 մլն 442 հազար դրամի չափով): Հսկող դատախազը միջնորդել է Պաշտպանության նախարարությանը դիտարկել գործառնախ հրամանատարի հետագա պաշտոնավարման նպատակահարմարությունը:

● Անցած 1 օրվա ընթացքում Հայաստանի Հանրապետությունում արձանագրվել է 18 ՃՏՊ. 26 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԳՈՒՄԱՐ Է ՀԱՏԿԱՅՐԵԼ

ՀՀ կառավարության որոշմամբ՝ վերաբաշխում է կատարվել ՀՀ ԿԳՄՍ նախարարության 2022 թվականի բյուջեով նախատեսված ծրագրերում: ՀՀ ԿԳՄՍ նախարարությունից ArmLur.am-ին հայտնեցին, որ տնտեսված միջոցներից 163 միլի 639 հազար ՀՀ դրամ գումար է նախատեսվել մի շարք կրթական հաստատությունների ջեռուցման ապահովման, նախագծման աշխատանքների, ինչպես նաև գույքային հագեցվածության բարելավման համար: Համաձայն որոշման՝ գումար կհատկացվի հետևյալ աշխատանքների համար՝

«Վլավերդու թիվ 5 ավագ դպրոց» ՊՈԱԿ-ի կաթսայատան կառուցման և ներքին ջեռուցման ցանցի անցկացման նախագծման աշխատանքային փաստաթղթերի մշակում, փորձաքննություն,

«Երեւանի թիվ 4 արհեստագործական պետական ուսումնարան» ՊՈԱԿ-ի կաթսայատան կառուցման և ջեռուցման ցանցի անցկացում,

«Երեւանի թիվ 105 ավագ դպրոց» ՊՈԱԿ-ի պարսպի կառուցման, մուտքի դռների, արտաքին կոյուղու և ջեռուցման ցանցերի մասնակի աշխատանքների իրականացման ձեռքբերում,

«Գառնու Ատոմի անվան թիվ 2 ավագ դպրոց» ՊՈԱԿ-ի ջեռուցման նոր կաթսայի տեղադրման աշխատանքներ: Հաշվի է առնվել, որ դպրոցում ներկա պահին գործում է մեկ կաթսա, որը տեղադրվել է 2008 թ., և կաթսայի խափանման ընթացքում դպրոցի ջեռուցման հետ կապված խնդիրներ են առաջանում:

«Երեւանի 3. Գալստյանի անվան թիվ 83 ավագ դպրոց», «Երեւանի Ռոբերտ Աբաջյանի անվան թիվ 147 հիմնական դպրոց» և «Երեւանի 3. Խաչատրյանի անվան թիվ 199 հիմնական դպրոց» ՊՈԱԿ-ների ջեռուցման կաթսաների փոխարինում:

ՆՈՐ ԶԱՐԳԱՑՈՒՄՆԵՐ

ԿԳՄՍ նախարարությունը Բյուրուսովի պետական համալսարանը Մանկավարժական համալսարանին միավորելու նախագիծ էր դրել շրջանառության մեջ: Իշխանությունը մտադիր էր Բյուրուսովը և Ֆիզկուլտ ինստիտուտը միավորել Մանկավարժական համալսարանին: Բյուրուսովի համալսարանը փակելու լուրերի ֆոնին ուսանողները բողոքի ակցիաներ էին պարբերաբար իրականացնում: Բյուրուսովի ուսանողները և դասախոսները նամակով դիմել էին նաև Նիկոլ Փաշինյանին: ArmLur.am-ի տեղեկություններով՝ ուսանողների այս պայքարն իր արդյունքը տվել է, և իշխանությունները մտադիր են հետ կանգնել իրենց մտադրությունից: Այս որոշման վրա ազդել է ուսանողների համառ պայքարը: Մեր տեղեկություններով՝ բուհում նման տպավորություն են ստացել նաև կառավարության ներկայացուցիչների հետ քննարկումներից: ArmLur.am-ը կհետեի իրադարձությունների հետագա զարգացումներին և նոր մանրամասներ կհայտնի ընթերցողին: Հավելելով, որ, ArmLur.am-ի տեղեկություններով, Նիկոլ Փաշինյանը հրահանգել է կանգնեցնել բոլոր կրթական համակարգի ծրագրերը, ֆինանսավորման հարցերը, մինչև բուհերի միավորման հարցերին լուծում կտրվի: Բոլորը սպասում են՝ հասկանալու համար, թե հարցը ինչպես է լուծում ստանալու:

ՆԱԽԱԳԻԾ

ԱՐՑԱԳՊՐՈՑԱԿԱՆ ՄԱՆԿԱՎԱՐԺՆԵՐԸ ԿԱՏԵՍՏԱՎՈՐՎԵՆ

ՀՀ կրթության, գիտության, մշակույթի և սպորտի նախարարությունը հանրային քննարկման է ներկայացրել «Կրթության մասին» օրենքում փոփոխություններ և լրացումներ կատարելու նախագիծը, որով արտադրողական հաստատությունների մանկավարժական աշխատողները հնարավորություն կստանան իրենց նախաձեռնությամբ ասեսավորվելու և դրա արդյունքում ստանալու հավելավճար:

ՀՀ ԿԳՄՍ նախարարությունից ArmLur.am-ին հայտնեցին, որ 2021-2022 ուստարում երաժշտական, արվեստի, գեղարվեստի դպրոցներում և մանկապատանեկան ստեղծագործական կենտրոններում դասավանդել է 5099 ուսուցիչ (76.8 %-ը՝ կանայք), որոնց 42.6 %-ն ունեցել է միջին մասնագիտական կրթություն: Սպորտային կազմակերպություններում մարզումներն իրականացրել է 2104 մարզիչ-մանկավարժ (15.4 %-ը՝ կանայք):

Հարկ է նշել, որ առ այսօր որել է իրավական ակտով սահմանված չեն արտադրողական ուսհաստատությունների մանկավարժական աշխատողների պաշտոնների անվանացանկն ու նկարագիրը, մինչդեռ մանկավարժների ոչ միայն մասնագիտական պատրաստվածությամբ, այլև գործառնությունների հստակ սահմանմամբ է պայմանավորված, թե ինչպիսի կարողունակություններով պետք է օժտված լինի անձը կրթության կազմակերպման արդյունքում կարողունակ քաղաքացի ձեւավորելու համար: Ներկայում գործող ֆինանսավորման բանաձեւը հնարավորություն չի տալիս գործընթացն իրականացնելու նույն սկզբունքով և այս ոլորտում չի ապահովում տեղական, մարզային, պետական մարմինների, ինչպես նաև միջգերատեսչական համագործակցության բարելավումը, պետական բյուջեից ֆինանսավորվող ծրագրերի թափանցիկության իրագործումը: Արտադրողական հաստատությունների ֆինանսավորման համար անհրաժեշտ է կիրառել միասնական մոտեցում՝ հնարավորինս ստույգ հաշվարկել ֆինանսավորումը յուրաքանչյուր անհատական դեպքի համար:

Նախագծով առաջարկվող փոփոխություններով հնարավոր կլինի՝

- սահմանել հիմնական դրույթները, նպատակները, խնդիրներն ու զարգաց-



ման ուղիները, որոնք համընդհանուր են արտադրողական կրթության և դաստիարակության ոլորտում նոր որակական նախադրյալներ ստեղծելու համար,

- նպաստել մատուցվող ծառայությունների որակի և մատչելիության բարելավմանը, որի ապահովումը ենթադրում է ոլորտի կադրային համալրում, զարգացնող միջավայրի ստեղծում, ինքնակրթություն, փորձի փոխանակում:

Մանկավարժական գործունեությունը մանկավարժից պահանջում է գիտելիքների և մասնագիտական կարողությունների անընդհատ զարգացում: Հայաստանում մանկավարժների, այդ թվում՝ արտադրողական ուսհաստատություններում աշխատող մանկավարժների ցածր աշխատավարձը խոչընդոտում է մարդկային լավագույն կապիտալի, այդ թվում՝ արական սեռի մասնագետների մուտքը ոլորտ, վերջիններիս չի մղում մասնագիտական զարգացման: Այս խնդիրը լուծե-

լու նպատակով պետք է մշակվի արդյունքի վրա հիմնված մանկավարժների կազմավոր առեստավորման կարգ, որը հնարավորություն կտա հավելավճարի տեսքով հասնելու աշխատավարձի բարելավման: Համաձայն ՀՀ կառավարության որոշման՝ արտադրողական հաստատություններում մանկավարժները կարող են դասավանդել շաբաթական 24 ժամ, որը համարժեք է 1 դրույթի: Ըստ այդմ արտադրողական ուսհաստատությունների մանկավարժի մեկ դրույթի համար հաշվարկվում է 132 276 ՀՀ դրամ աշխատավարձ: Առաջարկվող նախագծի ընդունմամբ և համապատասխան կարգի գործարկմամբ արտադրողական ուսհաստատության մանկավարժական աշխատողները կարող են իրենց նախաձեռնությամբ մասնակցել գիտելիքների գնահատման գործընթացին և դրա արդյունքում ստանալ 30-50 % հավելավճար: **Ս.Հ.**

ԿԵՆՍԱԶԱՓՈՎԱԿԱՆ ԱՆՁՆԱԳՐԵՐ

ՄՏԱՑԱՎ ԴՐԱԿԱՆ ԵԶՐԱԿԱՑՈՒԹՅՈՒՆ

Հայաստանում ժամանակավորապես՝ մինչև 2024 թվականի հունվարի 1-ը կդադարեցվի ՀՀ քաղաքացիներին կենսաչափական անձնագրերի սրամադրումը՝ մինչև առկա սերնդի սեխնդրգիաներով և անվստահության դաշնամուտով օժտված կենսաչափական անձնագրերի ստեղծումն ու ասփճանաբար հին անձնագրերի՝ նորերով փոխարինումը:

«Հայաստանի Հանրապետության քաղաքացու անձնագրի մասին» օրենքում փոփոխություններ են լրացում կատարելու մասին և կից ներկայացված օրենքների նախագծերի փաթեթն ԱԺ պաշտպանության և անվտանգության հարցերի մշտական հանձնաժողովի նիստում ստացավ դրական եզրակացությունը:

Փոխստիկանապետ Արա Ֆիդանյանը հայտնեց, որ նախագծով նախատեսվում է ՀՀ կառավարության 1998 թվականի դեկտեմբերի 25-ի համապատասխան որոշմամբ նախատեսված անձնագրերի տրամադրման ժամկետը երկարաձգել մինչև 2023 թվականի դեկտեմբերի 31-ը, իսկ նույնականացման քարտերը տրամադրել առանց էլեկտրոնային պահոցի մինչև ՀՀ կառավարության որոշմամբ դրանց բնութագրի սահմանելը: Էլեկտրոնային պահոցով նույնականացման քարտերը նախատեսվում է տրամադրել մինչև 2023 թվականի փետրվարի 15-ը, իսկ էլեկտրոնային պահոց չպարունակող նույնականացման քարտերը՝ 2023 թվականի փետրվարի 15-ից: «Բացի այդ, ժամանակավորապես՝ մինչև 2024 թվականի հունվարի 1-ը, կդադարեցվի ՀՀ քա-

ղաքացիներին կենսաչափական անձնագրերի տրամադրումը մինչև ապագա սերնդի տեխնոլոգիաներով և անվտանգության պայմաններով օժտված կենսաչափական անձնագրերի ստեղծումն ու աստիճանաբար հին անձնագրերի՝ նորերով փոխարինումը», -ասաց Ֆիդանյանը: Այսպիսով, նախագծով սահմանվում է, որ 2023 թվականի հունվարի 1-ից մինչև 2024 թվականի հունվարի 1-ը դադարեցվում է սույն օրենքով նախատեսված անձնագրերի տրամադրումը (փոխանակումը), իսկ մինչև 2023 թվականի հունվարի 1-ը Հայաստանի Հանրապետության քաղաքացու տրամադրված անձնագրերը համարվում են վավեր: Օրենքն ուժի մեջ է մտնում 2022 թվականի դեկտեմբերի 30-ից:

«Օղովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՀՈՐՈՐ

ՀԱՅԿԱԿԱՆ ԳՐՈՒԹՅՈՒՆՆԵՐՈՎ ԶԱՐԴԵՐ

Աշխարհահռչակ ամերիկահայ հեռուստաստղ Քիմ Բարդաշյանը, հանրահայտ փոփ երգչուհի Շերը (Շերլին Մարգայան), ամերիկաբնակ որոշյուսեր Էրիկ Էսայելյանը համացանցում դիմում են իրենց հետևորդներին՝ հորդորելով գնել հայկական գրություններով զարդերն ու այդպես աջակցել աշխարհի հինավուրց սաճարներից Էջմիածնի Մայր սաճարի վերանորոգման աշխատանքներին:

Քիմ Բարդաշյանը «Ինստագրամ»-ի «Սթորի» բաժնում հոլովակ է գետնել, որում նշում է՝ միշտ ճանապարհներ է փնտրում Հայաստանին աջակցելու համար, իր հետևորդներին է ներկայացնում Metal Alchemist ապրանքանիշի «Հայր մեր», «Արարատ լեռ», «Սեր» եւ այլ գրություններով ապրանքանիշներն ու այլ զարդերն ու ասում, որ աշխարհում շատ պատմական վայրեր կան, սակայն ամենահինավուրց տաճարները Հայաստանում են:

Նա հիշեցնում է, որ այդ տաճարներից մեկում տարիներ առաջ կնքել է իր երեխաներին: Քարդաշյանը տեղեկացնում է, որ տաճարը վերանորոգման փուլում է, ու ընդգծում, որ ապրանքանիշների վաճառքից ստացված եկամտի հարյուր տոկոսը փոխանցվելու է տաճարի վերանորոգման աշխատանքներին:

Շերը «Ինստագրամ»-ի իր պաշտոնական էջում մի լուսանկար է հրապարակել, որի վրա գրված է, որ իր հայկական արմատներն իր ինքնության հսկայական մասն են, եւ ինքը հպարտ է Էջմիածնի Մայր տաճարի վերանորոգմանն աջակցելու համար կազմակերպված նախաձեռնության մի մասը լինել:



ԼՈՒՐԵՐ

ԱՄԵՆԱԱԶԳԵՑԻԿ ԿԱՆԱՆՑԻՑ

Ամերիկացի երգչուհի Բիլի Այլիշը Financial Times ամսագրի վարկածով ընդգրկվել է 2022 թվականի 25 ամենաազդեցիկ կանանց ցուցակում: «Բիլի Այլիշը դարձել է Գլաստոնբերի եւ Կոաչելլա փառատոների գլխավոր արտիստ, յոթ անգամ «Գրեմմի»-ի դափնեկիր, Ջեյմս Բոնդի թեմայով երգերի կատարող (2021-ի «No Time to Die» ֆիլմ) եւ «Օսկար»-ի դափնեկիր նախքան ԱՄՆ-ում ալկոհոլ օգտագործելու օրինական տարիքը», - հիշեցրել են վարկանիշը կազմողները: Ստեղծագործական մասնագիտությունների մյուս ներկայացուցիչներից ամսագրի վարկանիշում ընդգրկվել են գրող Էնի Էշոն, դերասանուհի Միշել Յեոն, Նկարչուհի Էն Իմոֆը եւ ռեժիսոր Ցիցի Դանգարենբազան, ԱՄՆ Գերագույն դատարանի դատավոր Քեթանջի Բրաուն Ջեքսոնը, ուկրաինական «Քաղաքացիական ազատությունների կենտրոն» իրավապաշտպան կազմակերպության ղեկավար Օլեքսանդրա Մատվիչուկը, Saint Laurent-ի գործադիր տնօրեն Ֆրանչեսկա Բելետինին եւ Ֆինլանդիայի վարչապետ Սաննա Մարինը:

3 ԱՌԱՋՆՈՒԹՅՈՒՆՆԵՐ՝ 3 ՀԱՂԹԱՆԱԿ

Ֆուտբոլի Իսպանիայի հավաքականը 2010թ. աշխարհի առաջնության չեմպիոնի տիտղոսը նվաճելուց հետո հաջորդ 3 առաջնություններում տարել է ընդամենը 3 հաղթանակ:

ԱՄ-2014-ում Իսպանիան 3:0 հաշվով հաղթել է Ավստրալիային, 2018-ին 1:0 հաշվով հաղթել է Իրանին, Քաթարում ընթացող առաջնության խմբային փուլում էլ 7:0 հաշվով պարտության է մատնել Կոստա Ռիկային: Երրորդ տուրում Լուիս Էնրիկեի գլխավորած թիմը 1:2 հաշվով պարտվեց ճապոնացիներին եւ խմբում գրավեց երկրորդ տեղը:

1/8 եզրափակիչում Իսպանիայի մրցակիցը կլինի Մարոկկոյի թիմը:

ՀԻԱՍԹԱՓՈՒԹՅՈՒՆՆԵՐ ԱՐՈՒՄ Է

Գերմանիայի հավաքականի գլխավոր մարզիչ Յանս-Պիտեր Ֆլիկը մեկնաբանել է աշխարհի առաջնության խմբային փուլի արգելքը չհաղթահարելը: Խմբային փուլի վերջին տուրում գերմանացիները 4:2 հաշվով հաղթեցին Կոստա Ռիկային, սակայն Իսպանիայի հավաքականը 1:2 հաշվով պարտվեց ճապոնացիներին, որոնք բարձրացան առաջին տեղ, Իսպանիան 4 միավորով գրավեց երկրորդ տեղը, իսկ Գերմանիան 4 միավորով երրորդն է:

«Ես չեմ մեղադրում Իսպանիային: Ինքներս ենք մեղավոր մեր տապալման համար, պետք է ավելի արդյունավետ խաղայինք առաջին երկու տուրերում: Մենք շատ ժամանակ ունեինք, հատկապես՝ ճապոնիայի հետ տանուլ տված խաղում եւ իսպանացիների դեմ: Մեր հիասթափությունն ահռելի է», - ասել է Ֆլիկը: Գերմանիայի հավաքականը ճապոնացիներին պարտվել էր 1:2 հաշվով, Իսպանիայի հետ խաղացել էր ոչ ոքի՝ 1:1: 2014-ին՝ աշխարհի չեմպիոնի տիտղոսը նվաճելուց հետո, Գերմանիան երկրորդ առաջնությունում անընդմեջ դուրս չէկալ փլեյ-օֆֆ:

ՀԱՂՈՐՈՒՄ Է

ԶԵՓՅՈՒՌ ԲՐՈՒՑՅԱՆԸ ՀՂԻ Է

StarHit-ը, վկայակոչելով անանուն աղբյուրներին, հայտնում է, որ Պավել Պրիկուչնիկի կինը՝ դերասանուհի Ջեփյու Քրոսյանը, հղի է:

Հրատարակության տվյալներով՝ զույգը երեխա կունենա 2023 թվականի մայիսին: Հաղորդվում է, որ Բրուտյանին հսկում են «Լասիկո» կլինիկական հիվանդանոցում, որտեղ դիմում են շոուբիզնեսի շատ աստղեր:

«Հղիությունը 14-15 շաբաթական է՝ չորրորդ ամիսը: Ջեփյուռն ու Պավելն արդեն մի քանի անգամ եկել են մեզ մոտ, միշտ միասին այցելում են բժշկի, ամուսինը հոգ է տանում ապագա մայրիկի մասին, աչքը նրանից չի կտրում», - պատմել են կլինիկայում: Աղբյուրի փոխանցմամբ՝ դերասանուհու հղիությունն ընթանում է առանց բարդությունների, ուստի ճանապարհորդությունը նրան հակացուցված չէ:



● Դեկտեմբերի 4-ին Հ. Պարոնյանի անվան երաժշտական կոմեդիայի պետական թատրոնում տեղի կունենա «Սիրելիներից մի՛ բաժանվեք» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՈՂՋԱ ՊՈՂՈՍՅԱՆԻ

ԿԱՐԳ

ՀԱՐՑ. Ուզե՞ր են համարվում գույքահարկ վճարողներ:

Սեդրակ Հունանյան (63 տարեկան)




ՊԱՏԱՍԽԱՆ. Գույքահարկ վճարող են համարվում Հայաստանի Հանրապետությունում եւ օտարերկրյա պետություններում ստեղծված կազմակերպությունները, միջազգային կազմակերպությունները եւ դրանց կողմից Հայաստանի Հանրապետությունից դուրս ստեղծված կազմակերպությունները, Հայաստանի Հանրապետության քաղաքացիները, օտարերկրյա քաղաքացիները, ինչպես նաեւ քաղաքացիություն չունեցող անձինք, որոնց Հայաստանի Հանրապետության տարածքում պատկանում է սույն օրենքի 4-րդ հոդվածով սահմանված հարկվող օբյեկտ համարվող գույքը, բացառությամբ Հայաստանի Հանրապետության պետական մարմինների, Հայաստանի Հանրապետության կենտրոնական բանկի, Հայաստանի Հանրապետության տեղական ինքնակառավարման մարմինների եւ հիմնարկների:

ՀՀ պետական եկամուտների կոմիտե

«ԺՈՂՎՈՒՐԳ». Գույքահարկը սեփականության իրավունքով Հայաստանի Հանրապետությունում եւ օտարերկրյա պետություններում ստեղծված կազմակերպություններին, միջազգային կազմակերպություններին եւ դրանց կողմից ՀՀ-ից դուրս ստեղծված կազմակերպություններին, ՀՀ քաղաքացիներին, օտարերկրյա քաղաքացիներին, ինչպես նաեւ քաղաքացիություն չունեցող անձանց պատկանող, հարկվող օբյեկտ համարվող գույքի համար սույն օրենքով սահմանված կարգով եւ չափով համապատասխան բյուջեներ վճարվող ուղղակի հարկ է, որը կախված չէ հարկ վճարողների տնտեսական գործունեության արդյունքներից:

ՏՆՏԵՍԱԿԱՆ

ՀԱՐՑ. Ինչո՞ւն են երկայացնել անասնաբուժասանիտարական փորձաքննության ծանուցում: Հայաստան Միևայան (59 տարեկան)



ՊԱՏԱՍԽԱՆ. «Անասնաբուժասանիտարական փորձաքննություն» ծանուցման ենթակա գործունեությանը զբաղվելու իրավունք ձեռք բերելու համար անձը պարտավոր է վճարել օրենքով սահմանված պետական տուրքը եւ պետական տուրքի վճարման անդորրագիրը կամ պետական վճարումների էլեկտրոնային համակարգի կողմից գեներացված անդորրագիրը կամ անդորրագրի 20-նիշանոց ծածկագիրը ծանուցման հետ միաժամանակ ներկայացնել լիազորմարմին:

«Անասնաբուժասանիտարական փորձաքննություն» ծանուցման ենթակա գործունեություն իրականացնող անձանց հաշվառումը, ծանուցման ենթակա գործունեությանը զբաղվելու իրավունքի կասեցումն ու դադարեցումը, ինչպես նաեւ ծանուցման ենթակա գործունեության իրականացման հետ կապված բոլոր հարաբերությունները կարգավորվում են «Գործունեության իրականացման ծանուցման մասին» եւ «Պետական տուրքի մասին» Հայաստանի Հանրապետության օրենքներով:

ՀՀ ֆինանսների նախարարություն

«ԺՈՂՎՈՒՐԳ». Համաձայն «Պետական տուրքի մասին» ՀՀ օրենքի՝ «Անասնաբուժասանիտարական փորձաքննություն» գործունեության իրականացման համար տարեկան պետական տուրքը կազմում է՝
- իրավաբանական անձինք՝ 50.000 ՀՀ դրամ,
- ֆիզիկական անձինք՝ 10.000 ՀՀ դրամ:

ԼՈՒՐ ԿԱՐԴ

Լուսանկարը՝ համացանցից



Գրեթե 40 տարվա ընթացքում առաջին անգամ ժայթքել է աշխարհի ամենամեծ գործող հրաբուխը՝ Մաունա Լուան, որը գտնվում է Հավայան կղզում: 1843 թվականից ի վեր Մաունա Լուան ժայթքել է 33 անգամ: Մաունա Լուա հրաբուխը վերջին անգամ ժայթքել էր 1984 թվականին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:




Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդորադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից
«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 2.12.2022
Պատկերը՝ Գեորգիյանի ֆոտո, ք. Կարբինո, 4 հաբարտման 201

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: